

KO-LÔ-SE JÎN SU (51)

1 Tùi Siōng-tè ê chí-ì choè Ki-tok Iâ-so· ê sù-tô·, Pó-lô, kap hiaⁿ-tī Thê-mô-thài, ²phoe kià hō· Ko-lô-se tiàm-tī Ki-tok ê sèng-tô·, tiong-sìn ê hiaⁿ-tī: goān lín tùi lán ê Pē Siōng-tè tit-tiòh un-tián pêng-an.

³Goán siōng-siōng thoè lín kī-tó, kám-siā Siōng-tè chiū-sī lán ê Chú Iâ-so· Ki-tok ê Pē, ⁴in-ūi bat thiaⁿ-kìⁿ lín tī Ki-tok Iâ-so· ê sìn, kap òng lóng-chóng ê sèng-tô· só· ũ ê thiàⁿ, ⁵in-ūi só· ká lín khng tī thiⁿ-nìh ê òng-bāng, chiū-sī lín cheng tī hok-im chin-lí ê tō só· thiaⁿ-kìⁿ ê; ⁶chit ê hok-im í-keng kàu tī lín; chhin-chhiūⁿ tī piàn sè-kan teh kiat ké-chí, iā ná toā chāng, chhin-chhiūⁿ tī lín tiong-kan chit iūⁿ, tùi lín bat thiaⁿ-kìⁿ iā chin-sit chai Siōng-tè ê un-tián hit jít; ⁷chhin-chhiūⁿ lín tùi Í-pa-hut só· hák-sip ê, i sī goán só· thiàⁿ tâng choè lô-pók ê, iā ũi-tiòh goán choè Ki-tok tiong-sìn ê chhe-ēng; ⁸i iā bat chiong lín tī Sèng Sîn ê jîn-ài pò goán chai.

⁹Só·-í goán tùi thiaⁿ-kìⁿ ê jít, thèo lín kī-tó khún-kiū bô soah, goān lín tī sîn-lêng ták iūⁿ ê tì-hui kap lêng-thong, tit-tiòh chai I ê chí-ì kàu moá-moá, ¹⁰hō· lín só· kiâⁿ háp tī Chú, hoān sū hō· I hoaⁿ-hí, tī ták hāng hó-sū kiat ké-chí, koh bat Siōng-tè ná kú ná chìn-pō; ¹¹koh chiàu I êng-kng ê khui-lát, ēng ták iūⁿ ê koān-lêng hō· lín ũ koān-lêng tì-kàu lín hoān sū hoaⁿ-hí thun-lún khoan-iōng; ¹²koh kám-siā Pē, in-ūi I hō· lán kham-tit ũ hūn sèng-

tô· ê giáp tī kng-bêng ê só·-chāi; ¹³I í-keng kiū lán thoat-lī o·-àm ê koān-sè, lâi poaⁿ-soá lán jíp I só· thiàⁿ ê Kiâⁿ ê kok; ¹⁴tiàm-tī I lán tit-tiòh siók-hoē, chiū-sī lán ê choē sià-bián; ¹⁵I sī boē tit thang khoàⁿ-kìⁿ ê Siōng-tè ê siōng, I sī thâu chit ê siⁿ ê, tī lóng-chóng siū chhòng-chō ê ê tãi-seng; ¹⁶in-ūi bān mih tī I lâi chhòng-chō, tī thiⁿ-nìh kap tī toē-nìh ê, ũ thang khoàⁿ-kìⁿ kap bô thang khoàⁿ-kìⁿ ê, hék-sī chō-ūi ê, hék-sī tī-lí ê, hék-sī pān cheng-sū ê, hék-sī chiáng-koān ê, bān-hāng-ū lóng sī tùi I, iā ũi-tiòh I, chiaⁿ siū chhòng-chō. ¹⁷I tī bān-hāng-ū ê tãi-seng; bān-hāng-ū tiàm-tī I lâi saⁿ-kap khiā-chāi. ¹⁸I sī seng-khu ê thâu, seng-khu chiū-sī kàu-hoē; I sī goān-khí-thâu, tùi sí-lâng tiong khí-lâi ê thâu chit ê siⁿ ê, hō· I tī bān-hāng-ū tiong choè tē it. ¹⁹In-ūi Pē hoaⁿ-hí hō· it-chhè ê hong-sēng tiàm-tī I; ²⁰í-keng chiong I sip-jī-kè ê huìh lâi sēng-chiū hô-pêng, chiū tùi I hō· bān-hāng-ū kap I pún-sin koh-chài hô, hék-sī toē-chiūⁿ ê, hék-sī tī thiⁿ-nìh ê, lóng sī tùi I. ²¹Koh lín pêng-só· tī pháiⁿ ê só· kiâⁿ kap Siōng-tè keh-tng, sim-lâi choè tùi-ték, ²²taⁿ I tī I jiók-thé ê seng-khu, tùi I ê sí, í-keng hō· lín koh-chài hô, beh hō· lín chiaⁿ-ê chiâⁿ-seng, bô hā-chhiū bô thang hiām ê, khiā tī I ê bīn-cheng; ²³nā lín tng-tng tiàm-tī sìn, ũ toē-ki koh kian-kò·, bô siū iô-tāng, lâi lī-khui hok-im ê òng-bāng; che hok-im chiū-sī lín só· bat thiaⁿ-kìⁿ ê, koh sī thoān tī thiⁿ-ē

lóng-chóng siū chhòng-chō ê ê tiong-kan; goá Pó-lô í-keng siat-líp choè i ê chhe-ēng.

²⁴Taⁿ goá ūi-tiòh lín siū chiaⁿh ê kan-khó[·] sī hoaⁿ-hí; goá ūi-tiòh Ki-tok ê seng-khu chiū-sī kàu-hoē, tī goá ê jiók-thé, pó[·]-moá I só[·] bē ū chīn ê hoān-lān; ²⁵goá siat-líp choè chit ê kàu-hoē ê chhe-ēng, chiàu Siōng-tè ūi-tiòh lín só[·] kau-hù goá ê chit-hūn, lâi oân-moá Siōng-tè ê tō-lí, ²⁶chiū-sī bān sè bān tãⁿ í-lâi só[·] khng-bát ê ò[·]-biâu; taⁿ í-keng hián-bēng tī I ê sèng-tô[·]; ²⁷Siōng-tè ài beh hō[·] in chai chit ê ò[·]-biâu ê êng-kng tī goā-pang tiong ū joā pù-ū, chiū-sī Ki-tok tiàm-tī lín, choè êng-kng ê ò[·]-bāng ê; ²⁸goán thoân I, ēng ták iūⁿ ê tì-hūi khó[·]-khng ták lāng, kà-sī ták lāng, beh hián ták lāng tiàm-tī Ki-tok lâi oân-choân. ²⁹Ūi-tiòh chit-ê goá tiòh-boā, chiàu I chhut-lát kiāⁿ tī goá lâi-bīn ê kong-iōng lâi cheng-chiàn.

2 In-ūi goá ài lín chai goá ūi-tiòh lín, kap hiah ê toà tī Ló-tí-ka ê, í-kíp kìⁿ-nā tī jiók-thé bē bat kìⁿ-tiòh goá ê bīn ê, ū cháiⁿ-iūⁿ cheng-chiàn, ²thang hō[·] in ê sim siū an-ùi, tī jīn-ài saⁿ kiát-liân, tùi chhiong-moá ê hiáu-ngō[·] tit-tiòh it-chhè ê pù-ū, lâi chhim chai Siōng-tè ê ò[·]-biâu, chiū-sī Ki-tok; ³hoān-nā tì-hūi kap chai-bat ê pó-poè lóng khng tī I. ⁴Goá kóng án-ni, bián-tit lāng ēng kí-khá ê oē lâi bē-hék lín. ⁵In-ūi goá jiók-thé lī-khui lín, sīn kap lín tī-teh, hoaⁿ-hí khoāⁿ-kìⁿ lín ê chéng-choē, í-kíp lín sīn-khò Ki-tok ê kian-kò[·].

⁶Só[·]-í lín kìⁿ-jiân chiap-láp Chú Ki-tok Iā-so[·], chiū tiòh chiàu án-ni tiàm-tī I lâi kiāⁿ, ⁷í-keng tēng kun tī I, chiū tit-tit siū khí-chō, tùi sīn lâi kian-kò[·], chiàu lín só[·] bat siū ê kà-sī, moá-moá kám-siā.

⁸Tiòh kín-sīn bián-tit hō[·] lāng ēng i ê tiat-hák kap khang-khang ê bô-íáⁿ oē lâi bē-hék lín, chiàu lāng ê ūi-thoân, chiàu sè-kan ê siáu-

hák, m̄ sī chiàu Ki-tok. ⁹In-ūi Siōng-tè sèng-chit ê hong-sēng lóng chiàu-pī tiàm-tī I. ¹⁰Lín tiàm-tī I iā tit-tiòh hong-sēng; I sī it-chhè pān cheng-sū chiáng-koân ê ê thâu. ¹¹Tiàm-tī I lín iā í-keng siū kat-lé, m̄ sī ēng chhiúⁿ lâi kiāⁿ ê kat-lé, chiū-sī Ki-tok ê kat-lé, thng-khì jiók-thé ê seng-khu; ¹²í-keng tī soé-lé kap I tâng bái-chòng, chiū tī chit ê soé-lé iā kap I tâng khí-lâi, sī tùi sīn Siōng-tè ê kong-iōng, chiū-sī tùi sí-lāng tiong hō[·] I khí-lâi ê. ¹³Koh lín cheng ūi-tiòh choē-koāⁿ kap jiók-thé ê bô kat-lé lâi sí ê, taⁿ Siōng-tè hō[·] lín kap Ki-tok tâng koh-oáh, í-keng siá-bián lán lóng-chóng ê choē-koāⁿ, ¹⁴chhat-siau kong-kek lán chiaⁿh ê kui-lē ê jī-iūⁿ, chiū-sī tùi-ték lán ê, tēng i tī síp-jī-kè, lâi tùi tiong-kan tū i; ¹⁵kìⁿ-jiân pāi hiah ê pān cheng-sū ê, chiáng-koân ê, chiū kong-hēng hián-bēng in, tī síp-jī-kè iāⁿ in lâi tãi-iát.

¹⁶Só[·]-í bôh-tit in-ūi só[·] chiaⁿh só[·] lim ê, á-sī ūi-tiòh choeh-kí, chhoe it, í-kíp an-hioh-jit ê iân-kò[·], hō[·] lāng gí-gí; ¹⁷chiaⁿ-ê lóng sī chiong-lâi ê sū ê iáⁿ, nā-sī hēng chiū-sī Ki-tok ê. ¹⁸Bôh-tit hō[·] lāng chhiúⁿ lín ê pò-siúⁿ, in kò[·]-ì khiam-pi keng-pài thiⁿ-sài, óá-khò in só[·] ū khoāⁿ-kìⁿ ê, chiàu in jiók-thé ê sim-chì kan-ta teh phòng-hong, ¹⁹bô liân-tiâu tī hit ê Thâu, choân sīn sī óá-khò hit ê Thâu, tùi chiaⁿh ê chat kap kun tit-tiòh chiap-ēng liân-lók, chiàu Siōng-tè só[·] siúⁿ-sù ê tióng-sēng lâi tióng-sēng.

²⁰Lín nā kap Ki-tok tâng sí, thoat-lī sè-kan ê siáu-hák, cháiⁿ-iūⁿ ná chhin-chhiūⁿ oáh tī sè-kan, lâi ka-kī hāng-hók tī chiaⁿh ê kui-lē, chhin-chhiūⁿ kóng, ²¹Bôh-tit thèh-tiòh, Bôh-tit chhi-chiaⁿh, Bôh-tit bong-tiòh, ²²chiaⁿh ê mih lóng sī ēng-liáu oē pāi-hoāi ê). sī chiàu lāng ê tiâu-kui kap kà-sī. ²³Chiaⁿh ê kui-lē

sī hō· lāng kiāⁿ chū-choan ê kèng-pài, ka-kī khiam-pi, bô sioh seng-khu; miā sī ū tì-hūi, kī-sit lóng bô kong-hāu thang iok-sok jiók-thé ê hòng-chhiòng.

3 Sô·í lín nā bat kap Ki-tok tâng koh-oáh, chiū tiòh kiū tī téng-bīn ê sū; Ki-tok tī hia, chē tī Siōng-tè ê toā pêng. ²Tiòh tì-ì téng-bīn ê sū, m̄ thang tì-ì toē-chiūⁿ ê sū. ³In-ūi lín bat sí, iā lín ê oáh-miā kap Ki-tok saⁿ-kap khng tī Siōng-tè. ⁴Ki-tok sī lán ê oáh-miā; kàu I hián-bêng ê sí, lín iā beh saⁿ-kap hián-bêng tī êng-kng ê tiòng-ng.

⁵Sô·í lín tiòh phah-sí lín tī toē-nih ê pah-thé, chiū-sī kan-îm, ù-oè, siā ê sim-chêng, pháiⁿ ê su-iók, kap tham-sim chiū-sī pài ngó·siōng; ⁶in-ūi tui chiah ê sū, Siōng-tè ê siū-khì lín-kàu poē-gék ê lāng. ⁷Lín oáh tī in tiòng-kan ê sí, iā bat kiāⁿ tī chiah-ê. ⁸Nā-sī chit tiáp lín iā tiòh tū-khì chiah ê it-chhè ê sū, chiū-sī oán-hūn, siū-khì, ok-tók, húi-pòng, kap chhui-lāi kiàn-siàu ê oē. ⁹Bôh-tit kóng pèh-chhát saⁿ-phiàn, in-ūi lín í-keng thng-khì kū ê lāng kap i ê kiāⁿ-choè, ¹⁰iā ū chhēng sin ê lāng, chiū-sī jlt-jlt oāⁿ-sin, kàu tit-tiòh chai-bat, chiàu chhòng-chō i ê sīōng. ¹¹Kī-tiong bô ū hun-piat Hi-lī-ní Iū-thài, kat-lé ê bô kat-lé ê, hoà-goā ê lāng, Se-kó·thê lāng, choè lô·pók ê, chū-iū ê, tók-tók Ki-tok sī bān-ū, koh tī bān-ū tiòng.

¹²Lín kī-jian hō· Siōng-tè só· keng, sī sèng iā tit-tiòh thiāⁿ ê, tiòh ēng lín-bín ê sim, kap jîn-chū, khiam-pi, un-jiū, thun-lún, lāi chhēng; ¹³siat-sú jī-pí ū hiáp-hiām, chiū tiòh saⁿ khoan-iông, saⁿ sià-bián; chhin-chhiūⁿ Chú bat sià-bián lín, lín iā tiòh án-ni. ¹⁴Tī chiah-ê ê téng-bīn tiòh chhēng jîn-ài, chiū-sī oan-choan ê kiát-liân. ¹⁵Tiòh hō· Ki-tok ê hô-pêng tī lín sim-lāi choè chú, lín siū tiàu

chiāⁿ-choè chit thé iā sī ūi-tiòh chit-ê; koh tiòh kám-siā. ¹⁶Tiòh hō· Ki-tok ê tō-lí, tī tak iūⁿ ê tì-hūi, chhiong-moá tī lín ê sim; ēng si, ēng koa, ēng sîn ê hū, saⁿ kà-sī saⁿ khó·-khng, tui un-tián tī sim-lāi teh gîm lāi o-ló Siōng-tè. ¹⁷Koh hoan só· choè ê, hék-sī kóng hék-sī kiāⁿ, lóng tiòh tī Chú Iā-so· ê miā lāi choè i; iā tui I lāi kám-siā Pē Siōng-tè.

¹⁸Choè hū-jîn-lāng ê, lín tiòh sūn-hók tiòng-hu, chiàu tiām-tī Chú só· háp-gī ê. ¹⁹Choè tiòng-hu ê, lín tiòh thiāⁿ hū-jîn-lāng, m̄ thang pháiⁿ khoán-thāi in. ²⁰Choè kiáⁿ-jī ê, lín tiòh hoan sū sūn-thàn pē-bú, in-ūi che sī Chú só· hoaⁿ-hí ê. ²¹Choè pāu-pē ê, lín m̄ thang kek hō· lín ê kiáⁿ-jī siū-khì, kiaⁿ-liáu in sit-chì. ²²Choè lô·pók ê, lín tiòh hoan sū sūn-thàn hiah ê chiàu jiók-thé choè lín ê chú-lāng ê; m̄ sī ēng hit hō· tī lāng ê bák-chiu chêng ê un-khūn, chhin-chhiūⁿ chú hō· lāng hoaⁿ-hí ê, tiòh ēng sèng-sit sim keng-ūi Chú; ²³kīⁿ-nā lín só· choè, tiòh chhut tī sim lāi choè, chhin-chhiūⁿ hók-sāi Chú, m̄ sī hók-sāi lāng; ²⁴chai lín beh tui Chú tit-tiòh sèng-chiap giáp ê pò-siūⁿ; lín sī hók-sāi Chú Ki-tok. ²⁵In-ūi kiāⁿ put-gī ê beh siū i put-gī ê pò-èng; Siōng-tè iā bô chiàu goā-māu chú lāng.

4 Choè chú-lāng ê, lín tiòh ēng gī kap kong-pêng khoán-thāi lín ê lô·pók, in-ūi chai lín iā ū Chú tī thiⁿ-nih.

²Tiòh siōng-siōng choan-bū kī-tó; kī-tó ê sí tiòh keng-séng lāi kám-siā, ³koh thoè goán kī-tó, kiū Siōng-tè ká goán khui thoân tō-lí ê m̄ng, thang kóng Ki-tok ê ò-biāu, goá ūi-tiòh chit-ê iā siū pák, ⁴hō· goá chhián-bêng i, chiàu goá só· eng-kai kóng ê. ⁵Ng hiah ê goā-bīn lāng lín tiòh tī tì-hūi lāi kiāⁿ, tiòh pó-sioh kī-hoē. ⁶Lín ê só· kóng tiòh siōng-siōng ēng un-sūn, chhin-chhiūⁿ ēng iām tiau-hô, chiū oē

hiáu-tit cháiⁿ-iūⁿ lâi ìn ták lāng.

⁷Goá lóng-chóng ê sū Chhui-ki-kó· beh kā lín kóng, i sī só· thiàⁿ ê hiaⁿ-tī, tī Chú choè tiong-sìn ê chhe-ēng, iā tâng choè lô·pók ê; ⁸ūi-tiòh án-ni goá tiâu-tī chhe i chiū-kūn lín, hō· lín chai goán ê sū, iā hō· i an-ùi lín ê sim. ⁹Iā chhe O-ni-se-bó· kap i khi, i chiū-sī tiong-sìn thang thiàⁿ ê hiaⁿ-tī, iā sī lín hia ê lāng. In beh chiong chit só·-chāi ê sū lóng kā lín kóng.

¹⁰Kap goá tâng koaiⁿ-kaⁿ ê A-lí-tát-kó·, kap Pa-ná-pa ê piáu sió-tī Má-khó, chhéng-an lín; (lūn Má-khó lín í-keng siū-tiòh bēng-lēng; i nā lâi chiū-kūn lín, lín tiòh chiap-láp i); ¹¹kiò choè Iū-sū-to· ê Iā-so· iā chhéng-an lín; chit kúi lāng sī siók kat-lé ê, chí-ū in ūi-tiòh Siōng-tè ê kok kap goá tâng tiòh-boā, iā sī hō· goá tit-tiòh an-ùi ê, ¹²Ki-tok Iā-so· ê lô·pók Í-pa-hut, chiū-sī lín hia ê lāng, chhéng-an lín; i tī kī-tó ê tiong-kan siōng-siōng ūi-tiòh lín chhut-lát, hō· lín khiā-chāi oân-choân, moá sim sìn-hók Siōng-tè it-chhè ê chí-ì. ¹³Goá kan-chèng I, ūi-tiòh lín kap tī Ló-tí-ka í-kip Hi-lah-pho-líp ê lāng, ū choē-choē lô-khó·. ¹⁴Lō·-ka, chiū-sī só· thiàⁿ ê i-seng, kap Tí-má chhéng-an lín. ¹⁵Chhéng-an tiām-tī Ló-tí-ka chiaⁿ ê hiaⁿ-tī, í-kip Lēng-hoat, kap chū-chíp tī in ê ke ê kàu-hoē. ¹⁶Chit ê phoe í-keng thak tī lín tiong-kan, tiòh siat-hoat hō· Ló-tí-ka lāng ê kàu-hoē iā thak i; koh lín tiòh thak tui Ló-tí-ka lâi ê phoe. ¹⁷Koh tiòh kā A-ki-pò· kóng, Tiòh kín-sīn lâi chīn lí tī Chú só· siū ê chit-hūn.

¹⁸Goá Pó-lô chhin-pit chhéng-an lín. Lín tiòh siàu-liām goá koà thih liān. Goān un-tián kap lín tī-teh.